



**Venatio Sacra. Sive Puer Amissus**

**Cabilliau, Baudouin**

**Lovany, 1642**

Elegia X. Dolet de non posse, venatorum exemplo, capere prædam suam.

---

[urn:nbn:de:hbz:466:1-70011](#)

**I**ndice Mercurio stans ad caput omne viarum (a)

Edidici Phario compita secta solo.

Ipse viæ sed enim dux quid nisi fabula vanus

Mercurius ? malim Numinis ora sequi.

Nec meus ambages Puer erudit ipse viarum :

Qui via certa mihi cur labirynthus erit ?

(a) *Mercurius*, ὁδηγός, id est viarum dux, collocari solitus in quadriujs, viam ut indicaret dubijs viatoribus.

## ELEGIA X.

**D**olet se non posse, venatorum exemplo, capere prædam suam.

1. *Ingemiscit adhuc aufugere suum Hinnulum.*

2. *Vestigia optat exosculari.*

3. *Videt forie obuio ab venatore prædam capi, nee abs se Puerum deprehendi dolet.*

**S**ic Matrem, sic ergo fidem, sic ludis amorem ?

Sic fugis ah! Ceruam Ceruule blande tuam ?

Eia faue, facilisque redi, simul influe pectus ;

Magna cui pars hoc pectore Gnatæ sedet.

Hoc vitam gremio pars cætera sidat Alumni !

Vt quid dimidio non nisi vivat Amor ?

Totus at incertas Amor auolat exsul in auras,

Et mea spes, omni plus aue, rapta fugit.

Quaque fugit, tacitis profugum cor abripit hamis,

Vita simul rapto deuia corde fugit.

Nec redit, ignoras abit irreuocandus in oras ;

Sive rapit remus, seu leuis aura vehit :

Idque redux roseos ubi iam ter solis ad ortus

Pegasus pernix Phosphorus egit iter.

Luce carens oculus mutis caligat in umbris,

Hei mihi, lux vitæ cui perit alma suæ !

Spines

Spinea decurrunt hæc inter sæcula luctus,  
 Sæcula ferratis euoluenda rotis.  
Qui fugit, hinc fugiat ; modò sit deprendere sulcos,  
 Quæs vaga planta cauo puluere sculpit iter.  
O vt ego rapidis premerem vestigia plantis,  
 Pumilo quæ niueo calce viator arat !  
Quot legerem passus, legerem tot & oscula terris :  
 Dulcior ambrosiâ dux pedis umbra foret.  
 Sed nusquam profugi vola perstat, abitque Puelli ;  
 Quem tamen hic omni nescia sector agro.  
Quà premis Astur ouans, equitans & in Asture terror,  
 Eripedem, rapido quæ fugit vngue, feram ;  
 Audio, præcipites glomerant in puluere cursus,  
 Hinc Lycus, inde comes iuncta Lycisca Lyco :  
 Sima phalanx resonis ubi militat aspera syluis,  
 Quæque fremit raucis ludicra bella minis,  
 Adsequitur tandem (felix & gloria ! ) prædam,  
 Et fruatur votis spes opulenta suis :  
Ast ego vana meum nequidquam venor IESVM,  
 Alternas roties mensa remensa vias.  
 Nec nisi flens ærumnosis vestigia curis  
 Pressa traho, colles inter, & inter aquas.  
 Induit in laqueos se præda fugacior aurâ ;  
 At Puer insidias frustrat, vt aura, meas.  
 Tum quoquis abs rure peto, rurisue colono,  
 Si qua tenent Gnatum prata, vel arua meum.  
 Nulla tenent, nullisque redit spes obuia syluis ;  
 Nec tamen à IESV me procul error agit.  
 Me si frustrat iter rata spes, non fallit euntem :  
 Ars est plena dolis ingeniosus Amor.  
Qui fugit, his oculis lux fixa subhæret IESVS,  
 Hic reperi, & peperi, quem vaga quæro, Deum.  
 Sic reperisse tamen non est peperisse Puellum :  
 Matri abest oculis ; corde sed ille sedet.  
 Est oculi vacuis cur iure querantur in umbris ;  
 Cor sed amore flagrans, quo sibi plaudat, habet.

## ELEGIA